



ELECTION 2020

Call:
1-888-API-VOTE
(274-8683)

Bilingual assistance is available in English, Mandarin (普通话/普通话), Cantonese (廣東話/广东话), Korean (한국어), Vietnamese (Tiếng Việt), Tagalog, Urdu (اردو), Hindi (हिन्दी), and Bengali (বাংলা).



Tus Kab Mob Khaus Viv-19 (COVID-19) thiab Kev Pov Npav Xaiv

Tsa: Kev Coj Ua Zoo Tshaj Plaws Kom Muaj Kev Nyab Xeeb

(raws Lub Chaw Hauj lwm Tswj Xyuas thiab Tiv Thaix Kab Mob (CDC) Cov Lus Qhia, "Cov Kev Txiaiv Txim Siab Rau Cov Chaw Pov Npav Xaiv Tsa thiab Cov Neeg Pov Npav Xaiv Tsa" @ <https://www.cdc.gov/coronavirus/2019-ncov/community/election-polling-locations.html>)

Koj yuav tsum nkag siab thiab xav txog lwm cov hauv kev xaiv tsa uas muaj nyob hauv ib cheeb tsam ze koj chaw nyob kom txo tau qhov kev nyob sib ze tsawg tshaj plaws, xws li xa ntawv. Thaum kawg, koj muaj hauv kev xaiv los txiaiv txim siab seb qhov kev xaiv tsa twg uas zoo tshaj rau koj. Yog koj xaiv qhov yuav mus pov npav xaiv tsa tim ntsej tim muag tsis hais kev xaiv tsa ua ntej los sis nyob rau Hnub Xaiv Tsa, cov kev coj uas nram qab no yuav pab kom koj muaj kev nyab xeeb thaum mus pov npav xaiv tsa.

Zam kom deb ntawm qhov chaw muaj neeg coob

- Pov npav xaiv tsa ua ntej, yog tias muaj nyob ib cheeb tsam ze koj. [Tshawb xyuas ntawm no <https://www.usvotefoundation.org/vote/state-elections/state-voting-laws-requirements.htm>]
- Yog tias ua tau, pov npav xaiv tsa thaum lub sij hawm neeg tsawg, xws li yav sawv ntxov.
- Yog tias pub tsav tshab mus rau tom lub chaw xaiv tsa thiab koj lub sij hawm, saib xyuas koj kev pov npav xaiv tsa uas tuaj yeem pov npav tau los ntawm koj lub tshab thiab koom nrog nws thaum muaj neeg tsawg lawm.

Mus rau cov chaw xaiv tsa uas tau npaj tseg

- Txheeb xyuas koj qhov chaw xaiv tsa thiab cov cai ua ntej vim tias tej zaum yuav muaj kev hloov pauv vim cuam tshuam los ntawm Tus Kab Mob Khaus Viv-19 (COVID-19).
- Xyuas kom meej koj cov ntaub ntawv sau npe xaiv tsa raug lawm ua ntej yuav mus rau koj qhov chaw xaiv tsa. Yog tias koj nyob rau lub xeev uas yog ua tau mus sau npe rau ntawm qhov chaw xaiv tsa thaum kev pov npav yuav los ua ntej los sis nyob rau Hnub Xaiv Tsa, yuav tsum npaj daim npav tej npav cuv npe xaiv tsa ua ntej mus txog ntawm qhov chaw xaiv tsa.
- Ntsuam xyuas kom paub tseeb tias koj muaj txhij txua cov ntaub ntawv tseem ceeb uas koj lub xeev xav tau lawm, xws li daim ID uas muaj koj li duab, kom tsis txhob laug qhov chaw xaiv tsa lub sij hawm.
- Tshuaj xyuas los sis ua daim npav xaiv tsa piv txwv tom tsev kom ceev kom kev xaiv tsa hauv koj lub chaw xaiv tsa mus tau ceev. [Tshawb xyuas ntawm no https://ballotpedia.org/Sample_Ballot_Lookup rau koj daim qauv pov npav]. Lus cim tseg, cov cov chaw nyob hauv Tshooj 203 ntawm Tsab Cai Kev Pov Npav Xaiv Tsa yuav tsum muaj daim qauv pov npav rau npe xaiv tsa uas txhais mus rau lwm hom lus.
- Nqa koj tus cwj mem kua mem xim dub.
- Nqa tus xaum sau nob cos los sis cov khoom siv zoo sib thooj rau kev siv nrog lub tshuab pov npav taum nab cos. Txheeb xyuas nrog cov neeg ua hauj lwm hauv chaw xaiv tsa ua ntej yuav siv.

Xyuum cov kev coj tus cwj pwm kom zoo rau koj tus kheej kom muaj kev noj qab haus huv

- Ntxuav koj ob txhais tes ua ntej nkag mus thiab tom qab tawm los ntawm qhov chaw mus pov npav xaiv tsa.
- Rau ib daim ntaub npog qhov ncauj qhov ntswg.
- Thaum tseem nyob hauv qhov chaw xaiv tsa, siv cov cawv cuaj caum uas muaj kuab cawv yam tsawg kawg yog 60%, feem ntau tshwj xeeb tshaj yog tom qab kov cov chaw uas neeg kov ntau, xws li cov tes qhov rooj los sis cov tshuab xaiv tsa.
- Nyob sib nrug deb ntawm lwm tus neeg li 6 fij (ntev li 2 npab 'qhov ntev) txawm tias koj thiab lwm tus neeg yuav looj ib daim npog qhov ncauj qhov ntswg lawm los xij.
- Tsis txhob siv tshuaj tua kab mob los sis so tej tshuab kev pov npav xaiv tsa ntawm koj tus kheej. Cov khoom siv hluav taws xob pov npav tuaj yeem puas tsuaj tau yog siv cov tshuaj ntxuav thiab tua kab mob. Yog tias koj siv tshuaj tua kab mob ntxuav tes ua ntej kov cov tshuab kev pov npav xaiv tsa, xyuas kom meej koj txhais tes kom qhuav huv si cov khoom siv thiaj tsis puas tshuaj. Ntxuav koj ob txhais tes los sis siv cov tshuaj ntxuav tes muaj cawv cuaj caum tom qab siv cov khoom siv rau kev pov npav xaiv tsa tas.